

4) *N. Hartwegii*: labello ligulato sigmoideo acuto medio carinulis elevatulis semiovatis humillimis. — „*Nasonia punctata*“ Lindl.! in scheda 1416! (autographa). Planta validior, arcuata, ascendens, usque sexpollicaris ex vaginis antiquis nunc caules novos prodens. Vaginae bene nervosae margine minute denticulatae. Laminae lanceolatae acutae (perpendiculares, planae in sicca) superficie superiori carinulato favosae (an ex siccatione?). Racemi axillares uni — biflori. Bractee triangulae carinatae (siccae cinnabarinae). Pedicelli longe exserti, in ovaria triptera in sepalorum confiniis abrupte abeuntes. Sepala triangula acuminata supra nervos medios carinata. Tepala oblongo lanceolata apiculata. Labellum ima basi minute saccato excavatum, dein cum undulatione utrinque inflexum, tandem longe lanceolatum. Gynostemii ala triloba, lobis lateralibus abruptis. Anthera de vertice descendens usque ad rostellum medianum. Cucullus sub fovea connatus supra basin cum labelli sacculo confluens. Capsula sphaerica triptera. Hartweg 1416! (Hab. sp. sicc. et exam. in Mus. Berol. et Boiss.)